

中国边疆研究资料文库·边疆史地文献初编

東北邊疆

第二輯

中国边疆研究资料文库·边疆史地文献初编

東北邊疆

第二輯

辦事官三員每員每月各加津貼中錢九吊

哨官十二員每員每月各加津貼中錢四十二吊

督隊官十五員每員每月各加津貼中錢二十四吊

什長六十名每名每月各加津貼中錢五吊一百文

正兵五百四十名每名每月各加津貼中錢四吊五百文

巡防馬隊二營

馬隊營官二員每員每月各加津貼中錢二百零四吊

幫帶官四員每員每月各加津貼中錢四十二吊

哨官八員每員每月各加津貼中錢四十二吊

督隊官十員每員每月各加津貼中錢二十四吊

什長四十名每名每月各加津貼中錢五吊一百文

正兵三百六十名每名每月各加津貼中錢四吊五百文

巡防步隊七營

步隊營官七員每員每月各加津貼中錢一百八十吊

辦事官七員每員每月各加津貼中錢九吊

哨官二十八員每員每月各加津貼中錢四十二吊

哨長三十五員每員每月各加津貼中錢二十四吊

什長二百八十名每名每月各加津貼中錢二吊一百文

正兵二千五百二十名每名每月各加津貼中錢一吊五

百文

以上巡防馬隊五營步隊七營統領管哨各官弁兵等每月暫加津貼中錢一萬四千九百七十六吊每年共津貼中錢十七萬九千七百一十二吊

墾務馬步隊各一營

馬隊營官一員每月加津貼中錢二百零四吊

幫帶二員每員每月各加津貼中錢四十二吊

哨官四員每員每月各加津貼中錢四十二吊

悍隊官五員每員每月各加津貼中錢二十四吊

什長二十名每名每月各加津貼中錢五吊一百文

正兵一百八十名每名每月各加津貼中錢四吊五百文

步隊營官一員每月加津貼中錢一百八十吊

辦事官一員每月加津貼中錢九吊

哨官四員每員每月各加津貼中錢四十二吊

哨長五員每員每月各加津貼中錢二十四吊

什長四十名每名每月各加津貼中錢二吊一百文

正兵三百六十名每名每月各加津貼中錢一吊五百文

以上墾務馬步隊各一營營哨各官弁兵等每月暫

加津貼中錢二千五百八十九吊每年共津貼中錢

三萬一千零六十八吊

再江省營務處原定薪水過廉亦以餉項支絀不能不稍事撙節近年以來百物價昂各員日用所需倍形竭蹶現當改變營制之祭官弁兵丁薪餉俱議加增若該處辦公薪水仍照舊章非惟賠累堪虞且不免有向隅之歎擬懇天恩准予由總理以至辦事各員仿照善後墾務各局章程一

律支給以養廉隅查該處總理一員原定月支薪水銀五十兩擬加三十兩會辦一員原定月支薪水銀四十兩擬加二十兩文案委員一員原定月支薪水銀二十四兩擬加六兩支應委員一員原定月支薪水銀二十兩擬加四兩差遣委員三員原定每員月支薪水銀十八兩擬各加

二面辦事官三員原定每員月支薪水銀十五兩擬各加
三兩均於六月初一日一律開支仍照舊章附入巡警軍
案內列銷其餘書識差官護兵各項薪餉核與各局數目
相符自可毋庸另加除咨部外理合附片具陳伏乞

聖鑒謹

奏同日奉

硃批該衙門知道欽此

七月十三日

跪

奏爲武職官員因病成殘陸續呈請休致恭摺具陳仰祈

聖鑒事竊照呼倫貝爾右翼食全俸索倫花翎副都統銜總管
精志巴圖魯布隆阿現年六十八歲食俸餉五十二年出
兵朝陽縣等處共打仗二百餘次殺賊一百八十名生擒
六十名又布特哈鑲黃旗食半俸索倫佐領徵耆現年六
十五歲食俸餉四十九年出奉天等處兵二次共打仗五
十次殺賊十五名生擒二名又呼倫貝爾鑲藍旗新巴爾
虎食半俸三品頂戴藍翎副管阿玉喜現年五十七歲食
俸餉四十二年出烏里雅蘇台兵一次打仗十二次殺賊

十名生擒八名又正白旗索倫佐領托克通武現年六十
三歲食俸餉四十八年出山西等處兵三次共打仗三十
九次殺賊二十三名生擒八名以上共四員均因前在軍
營染受潮濕舊疾復發腰腿成疾又正藍旗新巴爾虎烏
爾恭阿佐領下食半俸雲騎尉諾爾伯現年三十四歲食
俸二十九年現在染患噎症已成殘廢先後懇請休致等
情經各副都統蘇那穆策麟雙福等陸續咨報前來 覆
查屬寔合無仰懇

天恩俯准將花翎副都統銜總管精志巴圖魯布隆阿佐領徵
耆三品頂戴藍翎副管阿玉喜佐領托克通武雲騎尉諾

爾伯等原品休致俾免曠誤惟布隆阿敬着阿玉喜托克
通武等曾經出征打仗可否仰懇

天恩賞食原俸以養餘年之處未敢擅便除造具該員等出身
履歷咨報兵部查核外所有武職官員因病成殘懇請休
致緣由理合恭摺具陳伏乞

皇太后

皇上聖鑒謹

奏八月初九日遞到回摺奉

硃批著照所請兵部知道欽此

再開缺呼倫貝爾副都統依興阿於本年六月初一日在旗病故據齊齊哈爾署鑲藍旗協領佐領桂芳呈報前來查該故員依興阿曾於上年八月間因病咨請開缺回旅調養當經據情代奏欽奉

硃批著照所請欽此欽遵在案茲據報稱延醫調治罔效在旗病故除咨兵部查照外理合附片陳明伏乞

聖鑒謹

奏同日奉

硃批兵部知道欽此

八月二十九日

奏爲派員訊明已革頭等台吉布彥超克梅楞四等台吉丹
產泥瑪等串賣荒地一案情尙可原籲懇

天恩開復原職以恤蒙藩恭摺仰祈

聖鑒事竊查郭爾羅斯後旗前署札薩克勒蘇隆札普任聽外
旗喇嘛濫賣荒地各情會據總理該旗荒務行局主事
慶山查辦稟報於上年九月間將印務梅楞旺索克暨署
札薩克之子布彥超克二員奏參革職並將該喇嘛一體
嚴拏當於是年十二月二十二日欽奉

硃批著照所請欽此欽遵辦理在案乃自奉

旨後布彥超克與旺索克迄未到案迨本年夏間布彥超克與其母探知肅親王行抵圖希業圖蒙旗赴轅申訴前情經肅親王飭令歸案候審與已革梅楞丹產泥瑪一同來省投案當飭前署呼蘭副都統舉務總局總理協領都爾蘇准補海倫直隸廳同知徐鼐霖訊據布彥超克供稱伊父勒蘇隆札普在日飭伊同旺索克丹產泥瑪赴京迎接赦漢旗三喇嘛實因父命不敢抗違冒昧前往究爲何事伊父並不告知當時撥給荒地伊亦並未在場無從勸阻事後雖經勸阻亦已無可如何並稱訊問其母並無欠借該喇嘛錢文之事至該喇嘛將荒地轉租鐵路公司究竟

有無得錢出有何等字據伊亦均不知情即己革梅楞丹
產泥瑪將空白印紙帶至哈埠一事亦係出自伊父之意
後來如何交給該喇嘛使用伊實無憑查知等語詢之丹
產泥瑪供亦大致相同並稱印紙交給三喇嘛係奉前署
札薩克之命不能自主委無串通擄地並盜用印信情弊
各等情訊明稟請核辦前來 覆加研訊察核所供各情
尙無虛飾己革台吉布彥超克與前署札薩克勒蘇隆札
普分屬父子凡事奉命而行是該喇嘛雖係該台吉迎接
到旗而斃荒一事即非該台吉所能主持查勒蘇隆札普
業已革職物故其子布彥超克所供當時既不在場無從

勸阻事後勸阻亦無可如何似尙可信其獲罪緣由即不
無可原已革四等台吉丹產泥瑪亦係奉札薩克之命前
往迎接喇嘛並無串通及盜印重情上年春間該台吉來
省聲訴業經詳細訪查尙屬有因此次所供亦無捏飾在
當日原參本爲追究荒地挽回主權起見現在勸蘇隆
札普所撥荒地七十井業經勘竣而沿江荒地又奏蒙
恩允一律出放伏維

朝廷銳意實邊固以招墾爲急務然

撫恤蒙藩亦我

朝不易之宗旨可否仰懇

天恩准將已革頭等台吉布彥超克梅楞四等台吉丹產源瑪等二員一併開復原職出自

逾格鴻施至三喇嘛將此段荒地租給鐵路公司無論出有何等字據不得執以爲憑蓋蒙藩開放荒地向由管轄將軍都統奏明辦理該喇嘛遽敢串通私放實屬荒謬應與旺索克一員獲日另結至該旗蒙民雜處且逼近東清鐵路亟應遴選賢員以資統屬其札薩克之任前經奏請以該旗協理阿敏薩希克奇署理布彥超克未經參革以前曾經理藩院奏請承襲札薩克頭等台吉之職及議革後院議以該旗公爵達木林札普尙未及歲咨由哲里木盟